

### Graan SA Weeklikse Oliesade Mark Kommentaar

GRAAN SA OLIESADE	DATUM		DATUM		+ - WEEK GELEDE		+ - MAAND GELEDE		+ - JAAR GELEDE	
	2017/02/20		2017/02/17		2017/02/13		2017/01/23		2016/02/22	
	Data	Δ	Δ%	Data	Δ%	Data	Δ%	Data	Δ%	Data
Brent (\$/b)	55.81	0.05	0.1%	55.76	-1.4%	56.62	0.5%	55.55	66.6%	33.49
US\$: ? ZAR	13.07	0.070	0.5%	13.00	-2.3%	13.38	-3.0%	13.48	-15.1%	15.40
ΔCBOT 8vm : 12nm*	R 1,893.50	0	0.0%	R 1,893.60	*CBOT Mar sent/skepel +08:00 vandag vs CBOT Mielies Mrt +12:00 die vorige dag					
ΔCBOT 8vm : 12nm*	R 2,117.86	2	0.1%	R 2,116.07	*CBOT Mar sent/skepel +08:00 vandag vs CBOT Koring Mrt +12:00 die vorige dag					
ΔCBOT 8vm : 12nm*	R 4,956.08	12	0.2%	R 4,943.87	*CBOT Mar sent/skepel +08:00 vandag vs CBOT Soy Mrt +12:00 die vorige dag					
Jongste CBOT pryse tydens oornagverhandeling (Aangeteken tussen 06:00 - 07:00 vm teenoor 12:00 vm die vorige verhandelingsdag)										
Corn Spot	368.00	-2.00	-0.5%	370.00	-2%	374.00	1%	366.00	0%	368.25
Wheat Spot	441.00	-2.00	-0.5%	443.00	-2%	449.00	4%	423.00	-5%	462.25
Soybean Spot	1032.00	-3.00	-0.3%	1035.00	-3%	1059.00	-4%	1070.00	17%	882.75
Jongste MTM-pryse (Aangeteken om 12:00 die vorige verhandelingsdag SPOT = naaste kontrakmaand (Rand/ton))										
SORGHUM Jul '17	3168	0	0.0%	3168	0.0%	3168	-1.0%	3200	-22%	4080
WMAZ SPOT	2940	59	2.0%	2881	0.8%	2917	-15.6%	3483	-39.8%	4880
YMAZ SPOT	2802	12	0.4%	2790	-2.9%	2886	-13.9%	3254	-20.0%	3502
SOY 50 SPOT	6050	-170	-2.7%	6220	-6.9%	6500	-7.7%	6555	-9.9%	6715
SUN SPOT	4918	-72	-1.4%	4990	-5%	5170	-9%	5402	-36%	7659
WHEAT SPOT	3966	7	0.2%	3959	-1%	4000	2%	3906	-15%	4658
OLIESADE	2017/02/17	Bron: Oilworld			2017/02/10	Feb 2016		Maart 2015		
Soya-oil, Arg.	759				-3%	786	-1%	769	12%	676
Soya-peil, Arg.	366				2%	359	8%	339	-1%	368
Soybean, Brazil	431				0%	432	5%	410	5%	410
USA Runner 40/50	1650				0%	1650	3%	1600	27%	1300
Sun-oil, Arg.	740				-1%	745	-2%	755	-8%	800
Sun-oil, Black Sea	755				-1%	760	1%	750	1%	750
Sunseed, Black Sea	395				0%	395	-1%	400	-3%	409
Rapeseed, EU cif	458				1%	453	8%	425	15%	399
Palmk oil Mal, EU	1590				-9%	1745	8%	1470	53%	1037

#### JONGSTE MARK INLIGTING TOT 23:00 (RSA TYD) SOOS VERKRY VAN VERSKEIE MARKVERSLAE

**Markoorsig:** Die rand verhandel vanoggend teen relatiewe stabiele vlakke van R13.04/\$. Die rand verhandel stabiel tensypte van die spekulatie in die mark dat daar moontlike kabinet skommeling kan kom voor die begrotingsrede wat Woensdag deur die Minister van Finansies gelewer word. Beleggers reageer meer op die fundamentele faktore, soos die sterker kommoditeitspryse, eerder as op politieke onstabieleite in die land. Die hoofokus vir die komende week in die Suid Afrikaanse ekonomie sal grootliks op die begrotingsrede wees van die Minister van Finansies. Die verwagtinge tussen analiste is dat daar verhogings in belasting gesien sal word tesame met beperkinge op staatsbestedings om die tekorte op die lopende rekening te beperk.

**Sojabone:** Die VSA sojaboon persings het die verwagtinge in die mark oorskry en die persings in Januarie het 'n geskatte vlak van 4.63 miljoen ton bereik. Die verhoogde persings in Januarie het die kumulatiewe persings vanaf September 2016 tot en met Januarie 2017 'n nuwe hoogtepunt laat bereik van 22.4 miljoen ton. Die internasionale sojaboonpryse het ondersteuning gevind die laaste ruk, hoofsaaklik as gevolg van spekulatiewe geld wat in die mark gekom het, met moontlike swakker produksies in Suid Amerika as die hoof dryfveer. In Argentinië het hulle nog nie begin stroop nie, terwyl die stropery in Brasilië nog 'n hele ruk gaan voortduur. Ongunstige weertoestande kan steeds skade aan die ooste veroorsaak. Tans word daar goeie opbrengste gerapporteer in Brasilië en lyk dit gunstig vir 'n groot Brasiliaanse produksie vir die seisoen. Die Brasiliaanse uitvoere het ook momentum begin kry en word verwag om abnormaal hoog te wees die huidige maand, maar die oesdruk op die pryse weerspieël nog nie in die mark nie. Dit is hoofsaaklik as gevolg van die sterker wisselkoers in Brasilië wat die produsente verkope beperk. Die VSA uitvoere is steeds relatief sterk, alhoewel die Suid Amerikaanse voorraad die uitvoermark betree. Die VSA uitvoere wat toegeneem het was hoofsaaklik na onbekende bestemmings, Taiwan, Egipte en deels na die EU toe. Uitvoere na Meksiko en Japan het afgeneem terwyl dié na China relatief onverander gebly het. **Plaaslik:** Die plaaslike sojaboonpryse het hoofsaaklik afwaarts verhandel verlede week. Beide die spot pryse en Maart 2017 kontrakte het hoofsaaklik laer verhandel en laer afgesluit teen Vrydag. Die plaaslike pryse verhandel weer nader aan die afgeleide pryse met die plaaslike pryse wat gedaal het die afgelope week.

**Sonneblom saad:** Die wêreld produksie van sonneblomsaad meel het 'n sterk groeiende tendens getoon in die eerste paar maande van die 2016/17 seisoen. Die nuwe seisoen voorraad in die swart see streek het die pryse van sonneblommeel onder druk geplaas om 'n vraag te skep na die groot voorraad wat beskikbaar is. Die pryse is tans baie gunstig dat sonneblommeel in veevoere ingesluit word en die verwagtinge is dat die pryse onder druk behoort te bly vir die komende paar maande, met die groot wêreld voorraad wat beskikbaar is. In September tot en met Desember 2016 was die uitvoere van die 3 groot lande 1.9 miljoen ton wat ongeveer 12% hoër is as 'n jaar gelede. De grootste groei in uitvoere is vanuit die Oekraïne. Sonneblom olie invoere na Indië het 'n rekordvlak van 215 000 ton bereik in Januarie 2017 as gevolg van die hoë prys kompetendheid in wêreld markte. **Plaaslik:** Die plaaslike sonneblomsaadpryse het verlede week hoofsaaklik laer verhandel met die spot en Maart 2017 kontrakte wat die week Vrydag laer afgesluit het. Die plaaslike sonneblompryse het tot onder die afgeleide pryse gedaal en verhandel nou nader aan die uitvoerpariteitsprys.

**Canola:** Die canola aanplantings in Kanada word verwag om ten minste 5% toe te neem hierdie seisoen met die pryse van canola wat meer gunstig is as dié van ander gewasse soos koring. Die groter verwagte oppervlakte wat onder canola aangeplant behoort te word, kan lei tot 'n rekordoes in Kanada van 'n geskatte 20 miljoen ton, indien daar normale weertoestande heers. 'n Sterk vraag na biodiesel in die VSA en groot Kanadese canola olie aanbod het die Kanadese bio-diesel uitvoere tot 'n rekord vlak van 53 000 ton in Desember 2016 laat styg en het 'n nuwe hoogtepunt van 361 000 ton in die 2016 kalender jaar bereik. Groot canola uitvoere vanuit Kanada na China plaas onsekerhede oor die Kanadese canola voorraadvlakke. Die verwerkings van canola in Kanada het rekordvlakke van 832 000 ton in Desember 2016 en die geskatte verwerking vir Januarie is 790 000 ton. **Plaaslik:** Die plaaslike produksie van canola word vir die 2016/17 bemarkingseisoen op 105 460 ton geskat volgens die NOK se 6de produksieskatting vir die seisoen. Dit is afwaarts aangepas vanaf die 108 860 ton wat in die 5de skatting geskat was. Die nuutste skatting deur die NOK word die 28ste Februarie bekend gemaak.

**Grondbone:** In China is die mark relatief stabiel met klein prysverhogings wat gesien was onlangs. Die verwagtinge is dat die pryse skerp kan styg as gevolg van sterker verwagte vraag en beperkte aanbod. In Argentinië vorder die produksieontwikkeling goed en daar is optimisme na die 2017 oes na die swak 2016 oes wat gesien was. In die VSA is daar tans min van die 2016 oes oor en die fokus is hoofsaaklik op die 2017 oes in die VSA. In Brasilië is daar vrese dat oormaat reën 'n negatiewe impak op die produksie tot gevolg kan hê, alhoewel daar nog nie omvang van moontlike skade bereken kan word nie. In Indië was daar groot prysstygings gesien, hoofsaaklik as gevolg van die kwaliteitsprobleme met hul oes. **Plaaslik:** Die plaaslike grondbone toestande is gunstig en die aangeplante grondbone lyk goed. Daar kom in sekere gedeeltes wel baie reën voor wat effens nadelig mag wees.

Vir enige navrae, kontak asb: Luan van der Walt, E-pos: luan@grainsa.co.za